

昇入无形和與道合真

太上黃籙齋儀卷之四十七

太上黃籙齋儀卷之四十八

唐廣成先生杜光庭集

王古

解考儀方

和儀

臣等今故燒香歸身歸神歸命奉為某乙奉
 依解考明科修齋行道懺謝三十六世以來
 億曾萬祖爰及亡靈眷屬親緣歷世所行無
 違之罪上犯諸天大聖大道來尊三光五行
 虛空主宰風雲雷雨天道神明下犯五嶽諸
 山三十六地丘陵水府地下職司中犯八卦
 九宮陰陽官屬古今靈聖前代賢明違背五
 常犯于四大名書罪簡禍結幽關天奪年齡
 不終天昇身歿之後留帶地司拘對窮魂幽
 閉重檻諸苦徧歷衆考備經往返三塗流曳
 五道楚毒謫役毀悴雜任累谷纏綿終天無
 解今依靈仙品格懺罪希恩燒香然燈修齋
 行道皈命
 十方无極太上靈寶天尊已得道大聖衆至
 真諸君丈人十鄉神仙諸靈官伏冀
 太上三尊諸天大聖開大慈之澤降罔極之

恩勅飛天神人齋九龍符命告下十方世界
 考官地獄之中赦積世以來無邊之罪開九
 幽地獄出長夜之魂沐浴朱陵之庭冠帶洞
 陽之府生神福界流貺子孫吉祐常臻存亡
 咸蒙上資國祚芳及群生俱冥玄下永登真
 品得道之後昇入无形和與道合真

東方

臣等今故燒香歸身歸神歸命奉為某乙奉
 修解考大齋轉經行道皈命
 東方无極太上靈寶天尊九炁天君東鄉神
 仙諸靈官懺悔某乙三十六世以來億曾萬
 祖爰及亡靈眷屬親緣歷世所行無邊之罪
 或行乖慈育不惠不仁或違背師君不忠不
 孝毀傷良善干冒神明違越五常恣行諸惡
 魔構呪詛殺害無辜考重殃際未蒙原解魂
 神執繫在木官東嶽刑拷獄中受劊樹刀山
 風雷之苦晝夜考掠痛毒難任注訟子孫殃
 流後裔冥冥長夜解拔無由以今懺謝乞恩
 修齋行道伏冀
 大慈哀宥

萬聖迴光告下東府之中考官門下解釋寬對原赦魂神託化福庭往昇淨域見存安泰末荷玄恩得道之後昇入无形和與道合真

南方

臣等今故燒香歸身歸神歸命奉為某乙奉修无上解考妙齋轉經行道皈命

南方无極太上靈寶天尊三炁天君南鄉神仙諸靈官懺悔某三十六世以來億曾萬祖爰及亡靈眷屬親緣生世所行無邊之罪或任心楚毒殺害無辜結誓盟魔害於物邪滯不正凌暴貞良動越禮儀恣行罪惡犯天地日月一切神明考重殃深未蒙原解魂神執繫在火官南獄刑拷獄中爐炭焚燒形殘之苦晝夜考掠痛毒難任殃注子孫流連無已冥冥長夜解拔無由以今懺謝乞恩修齋行道伏覲

三尊鑒宥衆聖垂光告下南方火官刑拷門下赦除積罪原赦幽魂出霍山地獄之中昇洞陽朱官之內見存蒙祐末荷玄恩得道之後昇入无形和與道合真

西方

臣等今故燒香歸身歸神歸命奉為某乙奉修无上解考妙齋轉經行道皈命

西方无極太上靈寶天尊七炁天君西鄉神仙諸靈官懺悔某三十六世以來億曾萬祖爰及亡靈眷屬親緣生世所行無邊之罪或不行義讓語佞無端嫉妬賢能濁亂神道酷虐無度殺戮任心負誓違盟魔孽謀議殃罪結固積若丘山貴重考深未蒙原解魂神執繫在金官華山地獄之中受銅柱鐵床金錘之苦晝夜痛食息無寧注訟生人纏綿未解冥冥長夜解脫無由以今行道結齋祈恩懺拔伏覲

北方

臣等今故燒香歸身歸神歸命奉為某乙奉修无上解考妙齋轉經行道皈命

北方无極太上靈寶天尊五炁天君北方神仙諸靈官懺悔某乙三十六代以來億曾萬祖爰及亡靈眷屬親緣生世所行無邊之罪或上違天道下犯地司織觸三光輕陵四大怨恚風雨牽引鬼神肆毒於人殘害於物魂神執對在水官恒山地獄之中受寒冰夜庭冰河之苦肌肉凍裂萬痛切身延注子孫流殃未已冥冥長夜解拔無由以今行道立齋祈恩謝過伏冀諸天鑒護

東北方

臣等今故燒香歸身歸神歸命奉為某乙奉修无上解考妙齋轉經行道皈命

東北方无極太上靈寶天尊梵炁天君東方神仙諸靈官懺悔某三十六世以來億曾

萬祖爰及亡靈眷屬親緣生世所行無邊之罪或為子不孝為臣不忠為父不慈為君不道妬賢嫉善背正崇邪口是心非自欺形影五逆徧造眾惡備行枉害無辜傷殺非理從生入死怨徹天靈呪詛神明魔害巫蠱殃深責重幽繫在地府刑擣獄中考掠萬般形魂毀瘁冥冥長夜解拔無由以今懺罪乞恩修齋行道伏覲

十天降宥

萬聖開恩勅告東北方刑擣獄中考官門下解除罪對原赦窮魂離幽閉之鄉出重檻之苦浴神丹霍騰景朱陵注訟求除子孫孽泰蒙如所啓仰荷玄恩得道之後昇入无形和與道合真

東南方

等今故燒香歸身歸神歸命奉為某乙奉修无上解考妙齋轉經行道皈命東南方无極太上靈寶天尊梵炁天君東南鄉神仙諸靈官懺悔某家億曾萬祖爰及亡靈眷屬親緣及三十六世以來生世所行無

邊之罪或恣為強暴凌虐於人輕侮孤窮憎嫌老病窮人之惡掩人善功聞亂親疎抑伏貧弱圖謀非道訛謗賢良破人成功嫉人勝已傷殺非理縱毒任心引天地日月星辰以為質證罪深責重魂繫地府考官獄中水火風刀晝夜考掠更相注逮解拔無由以今懺謝乞恩修齋行道伏冀

十方大聖五帝高尊勅告東南方刑擣獄中考官門下披讀幽爽盪沐形魂萬罪蠲銷宿殃除蕩冤仇解釋債訟和平福利見存神生善域幽明同祐永荷玄恩得道之後昇入无形和與道合真

西南方

等今故燒香歸身歸神歸命奉為某乙奉修无上解考妙齋轉經行道皈命西南方无極太上靈寶天尊梵炁天君西南鄉神仙諸靈官懺悔某家億曾萬祖三十六世以來爰及亡靈眷屬親緣生世所行無邊之罪或綺言無實矯妄非真欺誑賢愚凌侮真聖附強抑弱貪毒無狀或爭利競財侵名

奪位互相殘陷害毒忠良危人自安殺生利己削奪財利不念孤窮結誓立盟牽神引鬼因成殃對積在幽冥魂繫地府之中考官之獄監閉幽檻不覩光明考掠備嬰終天無解以今修齋行道謝罪乞恩伏冀

西北方

上聖上真大慈大宥神光下照陰暗開明告勅西南方刑擣獄中考官門下幽魂開度託化福庭惠澤咸霑存亡俱泰蒙如所啓仰荷玄恩得道之後昇入无形和與道合真
等今故燒香歸身歸神歸命奉為某乙奉修无上解考妙齋轉經行道皈命西北方无極太上靈寶天尊梵炁天君西北鄉神仙諸靈官懺悔某乙家億曾萬祖三十六世以來爰及亡靈眷屬親緣生世所行無邊之罪殃深考重累劫未原六趣三塗受諸報對魂神執繫在地官刑擣獄中痛毒難堪延速後嗣更相流注億劫無窮以今懺罪乞恩修齋行道伏覲
衆尊上聖普降慈光解救窮魂出離幽苦勅

告西北方刑擄獄中考官門下究仇和釋債
訟銷平積繁深復盡皆除蕩存亡開度家國
需恩得道之後昇入无形和與道合真

上方

臣等今故燒香歸身歸神歸命奉為某乙奉
修无上解考妙齋轉經行道皈命

上方无極太上靈寶天尊三十六天帝君玉
京玄都紫微金闕三清三界梵炁天君无極
世界上鄉神仙諸靈官懺悔某乙家億萬萬
祖三十六世以來爰及亡靈眷屬親緣歷世
所行無邊之罪或上違天道穢慢三光探露
神明呵咎雷雨欺罔幽顯不良真靈九府結
刑三官舉考魂神執繫在九幽長夜刑擄獄
中流曳寒庭幽閉牢檻冥冥億劫不覩光明
流注子孫引遠存歿更相執對洗滌無由以
今懺謝乞恩修齋行道伏觀

三尊萬聖

太上衆真諸天帝君四司五帝三光列宿三
界真靈普降洪慈鑒臨丹懇勅告考官門下
地獄之中拔度魂神赦除罪犯和寬釋對離

苦生天昇入福堂開經悟道永超生死同入
無為債訟清銷存亡開泰蒙如所啓仰荷玄
恩得道之後昇入无形和與道合真

下方

臣等今故燒香歸身歸神歸命奉為某乙奉
修无上解考妙齋轉經行道皈命

下方无極太上靈寶天尊九壘土皇四司五
帝十二仙君九官真人神仙玉女无極世界
下鄉神仙諸靈官懺悔某家億萬萬祖三十
六世以來爰及亡靈眷屬親緣積世所行無
邊之罪或妄為師道刻截土地丘度岡原川
脉毀傷墳廟禁道神祇寒絕水源斷山埋谷
破城隍社稷犯侯伯土官不懼神明恣為罪
惡魂神執繫在下方世界九幽地獄之中汲
長夜之河以灌四瀆負山隳石謫役萬端痛
苦被嬰終天無解上延前世下及子孫報對
未原殃深責重以今修齋行道懺拔罪根伏
觀

上聖衆尊開恩赦宥告勅下方鄴郡九幽地
府刑擄獄中考官門下赦除往劫無量罪因

遷拔窮魂出離幽苦道遠真境安處福柳胤
嗣康寧存亡俱泰蒙如所啓仰荷玄恩得道
之後昇入无形和與道合真

三光

臣等今故燒香歸身歸神歸命奉為某乙奉
修无上解考妙齋轉經行道皈命

日月星宮至真大聖三光神仙諸靈官懺悔
某家億萬萬祖三十六世以來爰及亡靈眷
屬親緣無邊之罪或為君無道為臣不忠為
父不慈為子不孝犯天文地紀及日月星辰
積惡深取陰罪陽過名書惡簿身致鬼官在
長夜考官之獄執繫重檻解謝無由以今懺
罪乞恩修齋行道伏冀
諸天大聖
三光衆尊告勅地府獄中考官門下赦除積
罪和釋冤仇債訟銷平存亡安泰得道之後
昇入无形和與道合真

五嶽

臣等今故燒香歸身歸神歸命奉為某乙奉
修无上解考妙齋轉經行道皈命

五殺真君名山洞府得道神仙諸靈官懺悔
某家億曾萬祖及三十六世以來爰及亡靈
眷屬親緣無邊之罪或恣行蒙吝干忤神明
犯名山大川靈墟福地丘原主宰幽職靈司
積罪纏綿未蒙獨赦魂神執對在名山五嶽
地獄之中痛毒備嬰終天無解以今修齋行
道懺罪希恩伏冀

萬聖延慈

諸天鑒祐勅告五嶽獄中考官門下解除寬
債蕩滌罪瑕萬惡俱消九幽開朗蒙如所啓
仰荷玄恩得道之後昇入无形和與道合真

水府

臣等今故燒香歸身歸神歸命奉為某乙奉
修无上解考妙齋轉經行道皈命

扶桑大帝賜谷神王三河四海九江水帝十

二河源水府神仙諸靈官懺悔某家億曾萬
祖三十六世以來爰及亡靈眷屬親緣無邊
之罪或輕慢真靈不敬神明汚穢泉源侵傷
川澤動成罪目結在冥曹執繫魂神在水府
地獄考官門下備受諸苦痛毒難任捷級冥

波以灌四瀆冰河寒夜凍裂身形不觀光明
無由開度以今修齋行道懺罪希恩伏冀
萬聖鑒臨

三尊赦宥水府獄中考官門下解寬釋結赦
罪除愆出幽暗之鄉陟清虛之域魂神受鍊
證品生天罪咎求銷子孫貞泰蒙如所啓仰
荷玄恩得道之後昇入无形和與道合真

經實

臣等今故燒香歸身歸神歸命奉為某乙奉
修无上解考妙齋轉經行道皈命

至真无上三十六部尊經真文寶符諸天秘
藏十方正法侍衛經典一切靈司懺悔某家
億曾萬祖三十六世以來爰及亡靈眷屬親
緣無邊之罪或前劫後劫億世萬生三業所
為六情所造陰罪陽過考責深或輕慢無
圖穢賊文字非毀聖典泄露靈文殃咎纏綿
未曾祈懺魂神執繫在九幽地獄之中考掠
備嬰幽閉牢檻冥冥長夜解拔無由以今謝
過希恩修齋行道伏冀
靈司奏御慈澤旁流告勅地獄幽牢考官門

下解銷殃對和釋寬仇超度泉關昇登福路
利安後胤克獲康寧九夜三墜同承景祐蒙
如所啓仰荷玄恩得道之後昇入无形和與
道合真
太上黃籙齋儀卷之四十八